

UNIVERZITET U TUZLI
Broj: 01-28-JN-13/19 LOT 5
Tuzla, 14.08.2019. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, člana 9. Sporazuma o provođenju postupka zajedničke javne nabavke broj: 01-6114/18 od 02.11.2018. godine a nakon razmatranja Zapisnika Komisije o pregledu i ocjeni ponuda broj: 01-28-JN-12/19 LOT 5 od 21.06.2019. godine, Rektor Univerziteta u Tuzli donio je

O D L U K U O IZBORU NAJPOVOLJNIJEG PONUDAČA

I

U okončanom otvorenom postupku zajedničke javne nabavke Univerziteta u Tuzli, Univerziteta u Sarajevu i Univerziteta u Banja Luci za izbor najpovoljnijeg ponuđača za nabavku računarske i elektronske opreme za potrebe Univerziteta u Banja Luci (LOT 5) u cilju realizacije projekta "BENEFIT" izabran je ponuđač d.o.o. "Network I" Bijeljina sa ponudenom cijenom od 5.780,00 KM bez uračunatog PDV-a, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je nakon okončane „E-aukcije“ imala najnižu ponuđenu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak zajedničke javne nabavke računarske i elektronske opreme za izbor najpovoljnijeg ponuđača u cilju realizacije projekta „BENEFIT“ za potrebe Univerziteta u Banja Luci (LOT 5) putem Otvorenog postupka javne nabavke broj: 01-28-JN/19 LOT 1 do LOT 4 od 11.04.2019. godine i Odluke o izmjeni odluke broj: 01-28-JN-3/19 LOT 1 – LOT 5 objavljenom na Portalu javnih nabavki "E-nabavke" broj: 795-1-1-22-3-51/19 od 10.05.2019. godine, "Službenom glasniku BiH" broj: 24/19 od 17.05.2019. godine i WEB stranici Univerziteta. U ostavljenom roku ponude je dostavilo sedam ponuđača: "Alf om" d.o.o. Banja Luka, d.o.o. "Network I" Bijeljina, "Infocom računari" d.o.o. Banja Luka, "Inter com" d.o.o. Zenica, "Elur" d.o.o. Kiseljak, "Robert's plus" d.o.o. Sarajevo i "Kodeks" d.o.o. Sarajevo. Komisija je pregledala dostavljene ponude i konstatovala sljedeće:

Ponuđači "Infocom računari" d.o.o. Banja Luka i "Kodeks" d.o.o. Sarajevo nisu dostavili sve dokaze zahtijevane tenderskom dokumentacijom.

Ponuđač "Infocom računari" d.o.o. Banja Luka nije dostavio sadržaj ponude ili popis dostavljene dokumentacije što je zahtijevano tačkom 4.1. a). Takođe, isti nije dostavio katalog za ponuđenu opremu ili pojedinačne fotografije u format A4 - dokaz zahtijevan tačkom 3.5.2. b) i tačkom 4.1.h) tenderske dokumentacije. Od ponuđača je tenderskom dokumentacijom zahtijevano da dostave dokumente i dokaze kojima dokazuju svoju kvalifikovanost za dobro obavljanje posla, a navedeni ponuđač je propustio da dostavi naprijed navedene dokaze. Zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponude sa nedostatkom, to je ponuda ovog ponuđača odbijena i ponuđač ocijenjen nekvalifikovanim.

Analizom ponude ponuđača "Kodeks" d.o.o. Sarajevo utvrđeno je da isti u svojoj ponudi nije dostavio **sadržaj ponude** ili popis dostavljene dokumentacije, što je zahtijevano tačkom 4.1.(a) Tenderske dokumentacije zbog čega je ocijenjen nekvalifikovanim za dobro obavljanje posla. Naime, od ponuđača je tenderskom dokumentacijom zahtijevano da dostave dokumente i dokaze kojima dokazuju svoju kvalifikovanost za dobro obavljanje posla, a navedeni ponuđač je propustio da dostavi sadržaj ponude. Zbog činjenice da je postupak javne nabavke strogo formalan postupak i da svaki

nedostatak predstavlja osnov za odbacivanje ponude sa nedostatkom to je ponuda ovog ponuđača odbijena i ponuđač ocijenjen nekvalifikovanim.

Ostali ponuđači dostavili su sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla a njihove ponude su ocijenjene tehnički prihvatljivim.

Prihvatljive ponude kvalifikovanih ponuđača Univerzitet je unio u bazu „E-nabavke“ da bi se iste vrednovale u odnosu na zadani kriterij odabira „naniža cijena i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17).

Nakon uspješno okončane e-aukcije i u skladu sa Izvještajem o toku i završetku e-aukcije od 21.06.2019. godine sačinjena je slijedeća rang lista ponuda po povoljnosti:

1. d.o.o. "Network I" Bijeljina
2. "Inter com" d.o.o. Zenica
3. "Alf om" d.o.o. Banja Luka
4. "Robert's plus" d.o.o. Sarajevo
5. "Elur" d.o.o. Kiseljak

Budući da ponuda ponuđača d.o.o. "Network I" Bijeljina u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponudenu cijenu, Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Rektor Univerziteta u Tuzli prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu: dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:


01-28-JN-12/19 LOT 5 od 21.06.2019. godine

Izvještaj o toku i završetku „e-aukcije“ od 21.06.2019.

DOSTAVITI:

1x učesnicima

1x a/a



REKTOR

Prof. dr. sc. Zorana Hadžigrahić

Prof. dr. sc. Zorana Hadžigrahić